

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENICA
BROJ: T04 0 KT 0062173 25
Zenica, 10.04.2025. godine**

HITNO PRITVOR!

**OPĆINSKOM SUDU U TEŠNJU
TEŠANJ**

-Sudiji za prethodno saslušanje –

Na osnovu člana 45. stav 2. tačka i) i člana 241. stav 1. Zakona o krivičnom postupku, podižem

OPTUŽNICU

Protiv,

B. M. zv. „B.“, osuđivan presudom Općinskog suda u Tešnju broj: godine zbog počinjenog krivičnog djela Posjedovanje i omogućavanje i uživanje opojnih droga iz člana 239. stav 3. KZ F BiH, te mu izrečena uvjetna osuda, kojom je utvrđena kazna zatvora u trajanju od četiri mjesa i istovremeno određeno da se ista neće izvršiti ukoliko optuženi u roku od jedne godine od pravosnažnosti presude ne učini novo krivično djelo, a koja presuda je pravomoćna dana 04.06.2024. godine, **po Rješenju Općinskog suda u Tešnju broj: godine određen mu je pritvor u trajanju od jednog mjeseca, koji je produžen Rješenjem Općinskog suda u Tešnju dana 17.02.2025. godine za dva mjeseca, te isti traje do 20.04.2025. godine do 12,30 sati, branilac po izboru Mujkić Dajana, advokat iz Zenice po punomoći od 09.04.2025. godine,**

što je:

1.dana 18.07.2024. godine, oko 23,25 sati u mjestu T., općina Tešanj, suprotno odredbama člana 4. stav 1., 2., 3. i 5. i članova 19. i 20. Zakona o sprečavanju i suzbijanju zloupotrebe opojnih droga BiH, neovlašteno kod sebe držao opojnu drogu razvaganu i upakovanu te kao takvu pogodnu radi dalje prodaje i to: 5 prozirnih pvc vrećica sa zip zatvaračem sa sadržajem materije blijedo žute boje neto masa: 0,405 grama, 0,725 grama, 0,511 grama, 0,330 grama i 0,532 grama, za koju je vještačenjem utvrđeno da oduzeta materija sadrži psihoaktivnu komponentu „amfetamin“ koja opojna droga je pod rednim brojem 1, Liste opojnih droga iz Tabele 2 Liste psihotropnih tvari „Zabranjene tvari i biljke“, proglašena opojnom, zatim jedan komad plastificirane kartice narandžaste boje sa natpisom „USIM kartica card“ na kojoj se nalaze tragovi nepoznate materije bijele boje za koje tragove je vještačenjem utvrđeno da sadrže psihoaktivnu komponentu „amfetamin“ koja opojna droga je pod rednim brojem 1, Liste opojnih droga iz Tabele 2 Liste psihotropnih tvari „Zabranjene tvari i biljke“, proglašena opojnom, iako je bio svjestan i znao da se radi o opojnoj drogi i da je njeno neovlašteno držanje i prodaja zabranjena, što je i htio, koju drogu je dobrovoljno predao policijskim službenicima PS Tešanj, prilikom kontrole putničkog vozila marke ... reg. oznaka ..., gdje je zatečen

dakle, neovlašteno radi prodaje držao opojnu drogu

2.dana 20.01.2025. godine, oko 12:10 sati u mjestu K., općina Tešanj, suprotno odredbama člana 4. stav 1., 2., 3. i 5. i članova 19. i 20. Zakona o sprečavanju i suzbijanju zloupotrebe opojnih droga BiH, neovlašteno radi dalje prodaje kod sebe držao opojnu drogu upakovanu i to:

smeđa papirna vrećica sa sadržajem:

- bijela papirna vrećica sa sadržajem 43 tablete sive boje upakovane u jednu prozirnu pvc vrećicu sa tzv „zip“ zatvaračem ukupne neto mase 19,361 g grama, za koje je vještačenjem utvrđeno da sadrže psihoaktivne komponente metilendioksimetamfetamin (MDMA) poznatija kao „Ekstazi“, koja droga je pod rednim brojem 12 Liste psihotropnih tvari iz Tabele I „Zabranjene tvari i biljke“ proglašena takvom,

- bijela papirna vrećica u kojoj se nalazio celofanski omot u kojem se nalazila NN bijela vlažna materija neto mase 6,925 grama, za koju je vještačenjem utvrđeno da sadrži psihotropne komponente „Amfetamin“ poznatija kao „Speed“, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom,

- bijela papirna vrećica sa sadržajem zelene biljne materije neto mase 6,353 grama

- bijela papirna vrećica sa sadržajem zelene biljne materije neto mase 0,866 grama

- bijela koverta u kojoj se nalazi pvc vakumirana vrećica sa zelenom biljnom materijom neto mase 499,11 grama,

- smeđa papirna vrećica u kojoj se nalazi komad pvc vakumirane vrećice sa zelenom biljnom materijom neto mase 212,465 grama, za koju svu zelenu biljnu materiju je vještačenjem utvrđeno da sadrži psihotropne supstance tetrahidrokanabinol (THC) poznatije kao opojna droga „Marihuana“ koja je pod rednim brojem 13. i 26. liste opojnih droga iz tabele 1. „Zabranjene tvari i biljke“ proglašena takvom,

iako je bio svjestan i znao da se radi o opojnoj drogi i da je njeno neovlašteno držanje i prodaja zabranjena, što je i htio, koju drogu je dobrovoljno predao policijskim službenicima PS Tešanj, prilikom kontrole putničkog vozila marke „...“ reg. oznaka ..., kojim je upravljao bez položenog vozačkog ispita,

dakle, neovlašteno radi prodaje držao opojnu drogu

3.dana 21.01.2025. godine, u mjestu C. broj ..., općina Tešanj, suprotno odredbama člana 4. stav 1., 2., 3. i 5. i članova 19. i 20. Zakona o sprečavanju i suzbijanju zloupotrebe opojnih droga BiH, neovlašteno držao opojnu drogu razvaganu i upakovanu te kao takvu pogodnu radi dalje prodaje i to: biljnu materiju omotanu u bijelom papiru neto mase 2,535 grama, za koju biljnu materiju je prilikom vještačenja utvrđeno da sadrži psihoaktivnu komponentu tetrahidrokanabinol, te predstavlja opojnu drogu cannabis, koja opojna droga je pod rednim brojem 13. i 26. Liste opojnih droga iz Tabele 1., zabranjene tvari i biljke proglašena opojnom, jednu otvorenu prozirnu pvc vakum vrećicu, tri dijela vakum vrećice, dva manja i jedan veći na kojima je nalijepljena bijela materija neto mase 6,640 grama, te jednu zelenu plastičnu posudu u kojoj je jedna drvena kašika, jedna metalna kašika i jedna metalna viljuška sa tragovima bijele boje, za koju materiju je vještačenjem utvrđeno da oduzeta materija sadrži psihoaktivnu komponentu „amfetamin“, koja opojna droga je pod rednim brojem 1, Liste opojnih droga iz Tabele 2 Liste psihotropnih tvari „Zabranjene tvari i biljke“, proglašena opojnom, iako je bio svjestan i znao da se radi o opojnoj drogi i da je njeno neovlašteno držanje i prodaja zabranjena, što je i htio, koja droga je pronađena i oduzeta prilikom vršenja pretresa pomoćnog objekta koji se nalazi u dvorištu njegove porodične kuće, a po Naredbi Općinskog suda u Tešnju broj: ... od 21.01.2025. godine,

dakle, neovlašteno radi prodaje držao opojnu drogu,

4.dana 21.01.2025. godine, u mjestu C. broj ..., općina Tešanj, suprotno odredbama člana 6a. i člana 6b. stav 1. tačka a) Zakona o nabavljanju, držanju i nošenju oružja i municije (Službene novine ZE-DO Kantona broj: 9/13) neovlašteno držao municiju i to: 100 komada bojevih vojničkih pušanih metaka 762x39 mm sa univerzalnim zrnima i dva bojeva karabinska puščana metka cal 7,62x39 mm sa mekim zrnom tzv. „soft point“ zrnom, iako je znao da nabavka i držanje ove municije građanima uopće nije dozvoljena, to je i htio, a koja municija mu je pronađena i oduzeta od strane ovlaštenih službenih lica PS Tešanj prilikom vršenja pretresa pomoćnog objekta koji se nalazi u dvorištu njegove porodične kuće, a po Naredbi Općinskog suda u Tešnju broj: ... od 21.01.2025. godine,

dakle, bez odobrenja posjedovao municiju za vatreno oružje,

čime je počinio produženo krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH u vezi sa članom 55. KZ F BiH (tačka 1.,2. i 3) u sticaju sa krivičnim djelom nedozvoljeno držanje oružja ili eksplozivnih materija iz člana 371. stav 1., KZ F BiH u vezi sa članom 54. KZ F BiH (tačka 4).

Radi toga, stavljam

P R I J E D L O G
dokaza koje treba izvesti

5.Da se na osnovu člana 238. stav 4.KZ F BiH, od osumnjičenog B. M. oduzme ispitivana materija i to:

-tablete-MDMA ukupne neto težine 19,176 grama, zelena biljna materija-tetrahidrokanabinol neto težina: 6,322 grama, 0,838 grama, 499,077 grama i 212,430 grama, te bijela materija neto težine 6,831 grama (nalaz 108 od 23.01.2025. godine)- koji se nalaze deponovani u PS Tešanj

-opojna droga amfetamin neto težine 2,259 grama i jedan komad plastificirane kartice sa natpisom „USIM karitca card) (nalaz 1698 od 03.12.2024. godine) – koja se nalazi deponovana u PS Tešanj

-100 komada bojevih vojničkih pušanih metaka 762x39 mm sa univerzalnim zrnima i dva bojeva karabinska puščana metka cal 7,62x39 mm sa mekim zrnom tzv. „soft point“ a koji se nalaze deponovani u PS Tešanj,

-opojna droga tetrahidrokanabinol neto težine 2,506 grama i opojna droga amfetamin neto težine 6,612, jedna zelena plastična posuda, jedna drvena kašika, jedna metalna kašika i jedna metalna viljuška, (nalaz 472 od 24.03.2025. godine), koja droga i predmeti se dostavljaju uz ovu optužnicu.